



## **PRESS SECRETARIAT**

**MINISTRY OF THE PRIME MINISTER & CABINET**

**Apia, Samoa**

Telephone : (685) 63222 ext 746, 747, 748, (685) 24799, (685) 26397

Fax : (685) 26322 Email: [presssecretariat@samoa.ws](mailto:presssecretariat@samoa.ws)

**Press Release**

**27 Me 2008**

### **1. Malaga Sui o le Pulega o Tagata Tafafao Maimoa Mai Fafao i Fiti.**

Ua faamaonia e le Kapeneta le malaga a le Pule Sili o le Matagaluega o Tagata Tafafao Maimoa Mai Fafao, le Susuga Matatamalii Sonja Hunter, e auai atu i le Aoaoga mo Tupe Teu Faafaigaluega e ala i Atinae Tau Tagata Tafafao Maimoa, faapea ai ma le Fono a le Komiti Faatonu o le Faalapotopotoga a le Pasefika i Saute mo Atinae tau Tagata Tafafao Maimoa e faia i Fiti, Aso 28 Me – 2 Iuni 2008. O le a auai atu foi le Alii Ofisa Sinia o Maketi Faalauiloa o le Pulega, le Susuga Toalepai Dominic Thomsen, i le Bula Fiji Tourism Exchange, Aso 2 Iuni – 6 Iuni 2008.

O lenei aoaoga o le a mataitu ai nisi o mataupu mo le siitia o Teuga Tupe Faafaigaluega e auala mai i le atinae o tagata tafafao maimoa mai fafo. O le Fono a le Komiti Faatonu o le Faalapotopotoga a le Pasefika i Saute mo Atinae Tagata tau Tafafao Maimoa, o se fonu e faia i tausaga uma, ma o se avanoa lelei lea e toe silasila ma fefaasoa'i ai faauluuluga uma o Pulega Tafafao Maimoa a le Pasefika i nisi o auala ma metotia e siitia ai lenei atinae taua.

O le faaaliga a le Bula Fiji Tourism Exchange, o le a maua ai e le Pulega le avanoa, faatasi ai ma nisi o Sui o loo faia pisinisi ma atinae tau tagata tafafao maimoa i totonu o Samoa, e faalauiloa ma ai maketi Samoa i faioloa, kamupani vaalele, tusitala faapea ma ofisa faigalamalaga. O le a avea foi lenei avanoa lelei e faatalatalanoa ai nisi o auunaga e tataua ona ati a'e aua manaoga o tagata tafafao maimoa mai fafo.

### **2. Malaga le Minisita o Faatoaga ma Faigafaiva i Italia.**

Ua faamaonia e le Kepeneta le malaga atu o le Minisita o Faatoaga ma Faigafaiva, le Afioga Taua Kitiona Tavaga Seuola, e fai ma Sui o le Afioga i le Palemia i le Koneferenisi i le "Mau i Mea Taumafa", "A'afiaga o le Tau" ma le "Malosiaga mai Meaola" e faia i Italia, Aso 3 – 5 Iuni 2008.

E taua tele lenei fonu ona o le matuiā o faafitauli i le lē lava o taumafa ona o tulaga o le tau. Ua lipotia mai le siitia o le tau o le soifuaga i le lalolagi, faapea le tau o le alaisa ma le falaoamata ma isi ituaiga o taumafa. O le malaga a le Minisita e taua tele aua e ono aafia ai Samoa i nei suiga matuia.

O loo fuafua le Pulega e malaga faatasi le Afioga i le Minisita ma le Ofisa Sili o le Matagaluega, le Susuga Asua Kirifi Pouono, e lagolagosua i le Minisita.

### **3. Aso Faapitoa e Tete'e Atu i le Ulaula Tapa'a.**

Ua faamaonia e le Kapeneta le polokalame mo le Aso Faapitoa e tete'e atu ai i le ulaula tapaa i le lalolagi mo Samoa, lea o loo faamoemoe e faia i le aso 30 Me 2008 i le iutla e 9 i le taeao.

O le faamoemoe o leni Aso e faalauiloa ai le leaga o aafiaga o le ulaula tapaa, aemaise le soifua o tupulaga talavou pe afai e tagofie le tapaa. O leni polokalame o le a faalauiloa ai foi e tupulaga talavou le latou sao e avea ai i latou ma tagata e tausolomua ona faatino faataitaiga lelei e uiga i aafiaga o le ulaula tapaa.

O le Afioga i le Palemia, le Susuga Tuilaepa Sailele Malielegaoi, o le a faia le saunoga autu mo lea polokalame taua.

O le a faalauiloa foi aafiaga o le ulaula tapaa i alaleo o le leitio ma le televise, faapea ma polokalame faavaiaso a le Matagaluega o le Soifua Maloloina.

O leni polokalame o le a faasalalau tuusao e le leitio o le SBC i lea aso.

**Government Press Secretariat.**